

鐵雲藏龜拾遺

附攷
醴

久紹題簽


鐵雲藏
龜拾遺
坡侍釋

鐫啓琳署



自卜龜出殷虛吾鄉劉先生鶚首網羅之拓印千版
曰鐵雲藏龜於是商人貞卜文字始見於世而真古
文遂闢一新天地繼茲言契學者乃稍稍出歸安孫
氏上虞羅氏皆湛深經史寢饋籀斯各有纂述羅氏
竝與先生友善先生歿復輯其篋衍零拓為藏龜之
餘以竟先生抱殘守缺之志某不敏讀諸書而好之
間亦妄有論列成殷契鈎沈說契擘契枝譚四卷簿
書填委卒少暇所得眇淺徒以耆好所在莫可忍
舍而已今年春聞先生所藏家不能保王君澐與同
年柳君詒徵先後抵余書爰得收其千三百版乃就


藏龜及藏龜之餘未著者選集二百四十版手自拓
墨編訂成冊顏曰鐵雲藏龜拾遺管見所逮竝附攷
釋於後將以付印就正鴻達今孫氏早歸道山羅氏
歸然為海內靈光它日見之當更有重歎累歎者惟
是先生藏龜凡五千版今歸余裁此數它皆不知所
往竊恐一落賈胡唯利是圖得不淪於沙吒利與異
域斯幸矣乙丑五月葉玉森






























七
五
鳳
碑
齋